



საქართველოს შინაგან საქმეთა სამინისტრო  
MINISTRY OF INTERNAL AFFAIRS OF GEORGIA

№ 162055

07/02 2012 წ.

0114, თბილისი, გ.გულუას ქ.10 ; ტელ.: (+995 32) 2411068 / ფაქსი: (+995 32) 2411017  
10, .G.Gulua str, Tbilisi 0114, Georgia, Tel.: (+995 32) 2411068 / Fax: (+995 32) 2411017

კონსტიტუციურ უფლებათა დაცვის ცენტრის იურისტს  
ბატონ კახა კვაშილავას  
მისამართი: თბილისი, ციციშვილის I შესახვევი #35ა

ბატონო კახა,

თქვენი 2012 წლის 20 იანვრის #01/4 მიმართვის პასუხად გაცნობებთ, რომ ნარკოტიკების მომხმარებელთა მიერ ნარკოტიკული საშუალების ზედოზირებით გამოწვეული შემთხვევების აღრიცხვა და რეგისტრაცია არ შედის შინაგან საქმეთა სამინისტროს კომპეტენციაში.

ამასთან, გაცნობებთ, რომ საქართველოს სისხლის სამართლის კოდექსის 273-ე მუხლით შინაგან საქმეთა სამინისტროს საინფორმაციო ცენტრში რეგისტრირებულია შემდეგი მონაცემები:

2007 წ. -6419 დანაშაული, სისხლისსამართლებრივი დევნა დაწყებულია 5664 დანაშაულთან დაკავშირებით;

2008 წ. -6493 დანაშაული, სისხლისსამართლებრივი დევნა დაწყებულია 6433 დანაშაულთან დაკავშირებით;

2009 წ. -3780 დანაშაული, სისხლისსამართლებრივი დევნა დაწყებულია 3660 დანაშაულთან დაკავშირებით;

2010 წ. -3050 დანაშაული, სისხლისსამართლებრივი დევნა დაწყებულია 2808 დანაშაულთან დაკავშირებით;

2011 წ. -1977 დანაშაული, სისხლისსამართლებრივი დევნა დაწყებულია 1620 დანაშაულთან დაკავშირებით.

საქართველოს ადმინისტრაციულ სამართალდარღვევათა კოდექსის 45-ე მუხლით ნარკოტიკების უკანონო მოხმარების ფაქტზე სახდელდადებულთა რაოდენობა შეადგენს: 2007 წ. - 20459 პირი; 2008 წ. -18258 პირი; 2009 წ. -9381 პირი; 2010 წ. -9387 პირი; 2011 წ. -7714 პირი.

აქვე, წარმოგიდგენთ 2007-2011 წლებში ნარკოტიკული საშუალებების მოხმარებაზე გამოკვლეულ პირთა სტატისტიკურ მონაცემებს და "ნარკოტიკული და ფსიქოტროპული საშუალებების მოხმარებასთან დაკავშირებული ადმინისტრაციული სამართალდარღვევების დადგენის წესის დამტკიცების შესახებ" საქართველოს შინაგან საქმეთა მინისტრისა და საქართველოს შრომის, ჯანმრთელობისა და სოციალური დაცვის მინისტრის ერთობლივი ბრძანების #1244-#278/წ ასლს.

დანართი: 9 (ცხრა) ფურცელი.

პატივისცემით,

*Z. Asatiani*

ზვიად თავართქილაძე







საქართველოს შინაგან საქმეთა მინისტრისა და საქართველოს შრომის,  
ჯანმრთელობისა და სოციალური დაცვის მინისტრის ერთობლივი  
ბრძანება N 1244 –N 278/6

2006 წლის 24 ოქტომბერი ქ. თბილისი

ნარკოტიკული და ფსიქოტროპული საშუალებების მოხმარებასთან  
დაკავშირებული ადმინისტრაციული სამართალდარღვევების  
დადგენის წესის დამტკიცების შესახებ

საქართველოს ადმინისტრაციულ სამართალდარღვევათა კოდექსის 45-ე მუხლის  
შენიშვნის მე-2 პუნქტის, 116-ე, 117-ე და 236 მუხლების, „ნარკოტიკული საშუალებების,  
ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“  
საქართველოს კანონის 38-ე მუხლის მე-5 პუნქტის, „პოლიციის შესახებ“ საქართველოს  
კანონის მე-8 მუხლის „ფ“<sup>1</sup> ქვეპუნქტის და მე-9 მუხლის პირველი პუნქტის „დ“ ქვეპუნქტის  
შესაბამისად, ვბრძანებთ:

1. დამტკიცდეს „ნარკოტიკული და ფსიქოტროპული საშუალებების მოხმარებასთან  
დაკავშირებული ადმინისტრაციული სამართალდარღვევების დადგენის წესი“ და  
თანდართული დანართები (N1, N 2, N3).

2. ეს ბრძანება ამოქმედდეს 2006 წლის 1 ნოემბრიდან.

*ი. მერაბიშვილი*

*ვ. ჭიპაშვილი*

ნარკოტიკული და ფსიქოტროპული საშუალებების მოხმარებასთან დაკავშირებული  
ადმინისტრაციული სამართალდარღვევების  
დადგენის წესი

მუხლი 1. ზოგადი დებულებები

1. ეს წესი განსაზღვრავს საქართველოს ადმინისტრაციულ სამართალდარღვევათა  
კოდექსით გათვალისწინებულ შემთხვევებში:

ა) ექიმის დანიშნულების გარეშე ნარკოტიკული საშუალების მოხმარების დადგენის  
მეთოდებსა და სამართლებრივ მექანიზმებს;

ბ) ნარკოტიკული ან/და ფსიქოტროპული სიმთვრალის ფაქტის დადგენის მეთოდებსა  
და სამართლებრივ მექანიზმებს.

2. ამ წესის მიზანია ადმინისტრაციულ სამართალდარღვევათა კოდექსით  
გათვალისწინებულ შემთხვევებში ნარკოტიკული ან/და ფსიქოტროპული საშუალებების  
მოხმარებასთან დაკავშირებული სამართალდარღვევების აღკვეთა, აღნიშნული სახის  
სამართალდარღვევების პროფილაქტიკა, მოქალაქეთა უფლებებისა და კანონიერი  
ინტერესების დაცვა.

3. ექიმის დანიშნულების გარეშე ნარკოტიკული საშუალების მოხმარების, ნარკოტიკული  
ან/და ფსიქოტროპული სიმთვრალის ფაქტის დადგენას კლინიკური შემოწმების ან/ და  
ლაბორატორიული (ქიმიო-ტოქსიკოლოგიური) გამოკვლევით ახდენს საქართველოს შინაგან  
საქმეთა მინისტრის მიერ საამისოდ უფლებამოსილი პირი. (9-12.12.2011 N 991-N61/6)



**მუხლი 2. ექიმის დანიშნულების გარეშე ნარკოტიკული საშუალების მოხმარების ფაქტის დადგენის წესი (29/03-2.04/2007 N 457-113/6)**

1. ექიმის დანიშნულების გარეშე ნარკოტიკული საშუალების მოხმარების ფაქტის დადგენა ხდება კლინიკური ან/და ლაბორატორიული (ქიმიო-ტოქსიკოლოგიური) გამოკვლევის გზით; (9-12.12.2011 N 991-N61/6)

2. პირს საქართველოს ადმინისტრაციულ სამართალდარღვევათა კოდექსის 45-ე მუხლით გათვალისწინებული პასუხისმგებლობა დაეკისრება იმ შემთხვევაში, თუ კლინიკური ან/და ლაბორატორიული (ქიმიო-ტოქსიკოლოგიური) გამოკვლევით დადასტურდება მის მიერ ნარკოტიკული საშუალების მოხმარების ფაქტი. (9-12.12.2011 N 991-N61/6)

3. ადმინისტრაციული პასუხისმგებლობის დაკისრების საფუძვლის არსებობის შემთხვევაში უფლებამოსილი პირის მიერ დგება ადმინისტრაციული სამართალდარღვევის ოქმი, რომელშიც აისახება ნარკოტიკული საშუალების მოხმარებაზე ტესტირების შედეგები.”

**მუხლი 3. ნარკოტიკული ან/და ფსიქოტროპული სიმთვრალის მდგომარეობაში მყოფი პირის მიერ სატრანსპორტო საშუალების მართვის ფაქტის დადგენის წესი (29/03-2.04/2007 N 457-113/6)**

1. იმ შემთხვევაში, როდესაც არსებობს საკმაო საფუძველი ეჭვისათვის, რომ სატრანსპორტო საშუალებას მართავს ნარკოტიკული ან/და ფსიქოტროპული სიმთვრალის მდგომარეობაში მყოფი მძღოლი, პოლიციელი სატრანსპორტო საშუალების მძღოლს აძლევს შესაბამის მინიშნებას სატრანსპორტო საშუალების გაჩერების მოთხოვნით.

2. სატრანსპორტო საშუალების გაჩერების შემდგომ, ნარკოტიკული ან/და ფსიქოტროპული სიმთვრალის მდგომარეობაში მყოფი პირის მიერ სატრანსპორტო საშუალების მართვის საფუძვლიანი ეჭვის არსებობის შემთხვევაში უფლებამოსილი პირი ჩამოაშორებს მძღოლს სატრანსპორტო საშუალების მართვას და კლინიკური ან/და ლაბორატორიული (ქიმიო-ტოქსიკოლოგიური) გამოკვლევის მიზნით წარადგენს საქართველოს შინაგან საქმეთა სამინისტროს საპატრულო პოლიციის დეპარტამენტის საექსპერტო-კრიმინალისტიკურ მთავარ სამმართველოში. (9-12.12.2011 N 991-N61/6)

3. კლინიკური ან/და ლაბორატორიული (ქიმიო-ტოქსიკოლოგიური) გამოკვლევის გზით მძღოლის მიერ ნარკოტიკული საშუალების მოხმარების ფაქტის დადგენის შემთხვევაში, მძღოლს დაეკისრება საქართველოს ადმინისტრაციულ სამართალდარღვევათა კოდექსის 45-ე მუხლით გათვალისწინებული პასუხისმგებლობა. (9-12.12.2011 N 991-N61/6)

4. მძღოლს, საქართველოს ადმინისტრაციულ სამართალდარღვევათა კოდექსის 116-ე მუხლით გათვალისწინებული პასუხისმგებლობა დაეკისრება იმ შემთხვევაში, თუ კლინიკური ან/და ლაბორატორიული (ქიმიო-ტოქსიკოლოგიური) გამოკვლევის შედეგად დადგინდება ნარკოტიკული ან/და ფსიქოტროპული სიმთვრალის ფაქტი. (9-12.12.2011 N 991-N61/6)

**მუხლი 4. სატრანსპორტო საშუალების მართვიდან მძღოლის ჩამოშორების წესი (29/03-2.04/2007 N 457-113/6)**

1. პოლიციელი სატრანსპორტო საშუალების მართვას ჩამოაშორებს პირს, რომლის მიმართ არსებობს საკმაო საფუძველი, რომ იგი იმყოფება ნარკოტიკული ან/და ფსიქოტროპული სიმთვრალის მდგომარეობაში ან რომელსაც ექიმის დანიშნულების გარეშე მოხმარებული აქვს ნარკოტიკული საშუალება.

2. ამ მუხლის პირველი პუნქტით გათვალისწინებულ შემთხვევაში სატრანსპორტო საშუალება სამართავად შეიძლება გადაეცეს:



ა) ამავე სატრანსპორტო საშუალებაში ფხიზელ მდგომარეობაში მყოფ იმ პირს, რომელსაც გააჩნია სატრანსპორტო საშუალების შესაბამისი კატეგორიის მართვის მოწმობა;

ბ) ნარკოტიკული ან ფსიქოტროპული სიმთვრალის მდგომარეობაში მყოფი მძღოლის ფხიზელ მდგომარეობაში მყოფ ახლობელს, რომელსაც გააჩნია სატრანსპორტო საშუალების შესაბამისი კატეგორიის მართვის მოწმობა.

3. ამ მუხლის მე-2 პუნქტით გათვალისწინებული გარემოებების არარსებობის შემთხვევაში, აგრეთვე იმ შემთხვევაში, როდესაც ნარკოტიკული ან/და ფსიქოტროპული სიმთვრალის მდგომარეობაში მყოფ პირს არ გააჩნია სატრანსპორტო საშუალების შესაბამისი კატეგორიის მართვის მოწმობა (ან დროებითი მართვის მოწმობა) ან სატრანსპორტო საშუალების სარეგისტრაციო დოკუმენტი, უფლებამოსილ პირს სატრანსპორტო საშუალება გადაჰყავს სპეციალურ დაცულ სადგომზე.”

**მუხლი 4<sup>1</sup>.** ექიმის დანიშნულების გარეშე ნარკოტიკული საშუალებების განმეორებით უკანონო მოხმარებასთან დაკავშირებულ სამართალდარღვევებზე რეაგირების წესი (29/03-2.04/2007 N 457-113/6)

1. კლინიკური ან/და ლაბორატორიული (ქიმიო-ტოქსიკოლოგიური) გამოკვლევის გზით თუ დადგინდა ექიმის დანიშნულების გარეშე ნარკოტიკული საშუალებების უკანონო მოხმარების ფაქტი, ჩადენილი იმ პირის მიერ, რომელსაც ასეთი ქმედებისათვის დადებული ჰქონდა ადმინისტრაციული სახდელი, იწყება გამოძიება. (9-12.12.2011 N 991-N61/6)

2. ამოღებულია (9-12.12.2011 N 991-N61/6)

**მუხლი 5.** გამოსაკვლევ პირის უფლებები და მოვალეობები

1. პირი, რომლის მიმართ არსებობს საკმაო საფუძველი, რომ იგი არის ამ წესით გათვალისწინებული სამართალდარღვევის ჩამდენი, ვალდებულია დაემორჩილოს პოლიციელის და უფლებამოსილი პირის კანონიერ მოთხოვნას.

2. სამართალდამრღვევს უფლება აქვს მოქმედი კანონმდებლობით დადგენილი წესით გაასაჩივროს ადმინისტრაციული ორგანოს გადაწყვეტილება ან/და გამოკვლევიდან 2 საათის განმავლობაში საკუთარი ხარჯით მოითხოვოს კლინიკური გამოკვლევის განმეორებით ჩატარება და 14 დღის განმავლობაში (ან ამ ბრძანების მე-8 პუნქტით გათვალისწინებულ შემთხვევაში – 1 თვის განმავლობაში) საკუთარი ხარჯით მოითხოვოს დალუქული ბიოლოგიური მასალის (შარდის) საკონტროლო ულუფის ლაბორატორიული გამოკვლევის განმეორებითი ჩატარება.

**მუხლი 6.** ნარკოტიკული საშუალების მოხმარებაზე ან ნარკოტიკულ ან/და ფსიქოტროპულ სიმთვრალეზე კლინიკურ ან/და ლაბორატორიულ (ქიმიო-ტექსიკოლოგიური) გამოკვლევაზე უფლებამოსილი პირი (9-12.12.2011 N 991-N61/6)

1. ნარკოტიკული საშუალების მოხმარების და ნარკოტიკული ან/და ფსიქოტროპული სიმთვრალის ფაქტის დასადგენად, უფლებამოსილი პირის მომართვის საფუძველზე წარმოდგენილ ყველა გამოსაკვლევ პირს უტარდება კლინიკური ან/და ლაბორატორიული (ქიმიო-ტოქსიკოლოგიური) გამოკვლევა.

2. ნარკოტიკული საშუალების მოხმარების და ნარკოტიკული ან/და ფსიქოტროპული სიმთვრალის ფაქტის დადგენის მიზნით, საქართველოს შინაგან საქმეთა სამინისტროს საპატრულო პოლიციის დეპარტამენტის საექსპერტო-კრიმინალისტიკურ მთავარ სამმართველოში (შემდგომში – საექსპერტო-კრიმინალისტიკური მთავარი სამმართველო) კლინიკური ან/და ლაბორატორიულ (ქიმიო-ტოქსიკოლოგიური) გამოკვლევას ახორციელებენ



საქართველოს შინაგან საქმეთა მინისტრის სამართლებრივი აქტით საამისოდ უფლებამოსილი პირები (შემდგომში – უფლებამოსილი პირი).

3. ექიმის დანიშნულების გარეშე ნარკოტიკული საშუალების მოხმარების, ნარკოტიკული ან/და ფსიქოტროპული სიმთვრალის ფაქტის დასადგენად კლინიკურ გამოკვლევაზე უფლებამოსილი პირს უნდა ჰქონდეს ნარკოლოგიის სპეციალობაში სახელმწიფო სერტიფიცირების დამადასტურებელი დოკუმენტი, ან უმაღლესი სამედიცინო აკადემიური განათლების დამადასტურებელი დოკუმენტი (სამკურნალო ან პედიატრიული ფაკულტეტი) და გავლილი უნდა ჰქონდეს პროფესიული განვითარების საბჭოს მიერ აკრედიტებული ექიმთა გადამზადების პროგრამა, ხოლო ქიმიო-ტოქსიკოლოგიურ გამოკვლევაზე უფლებამოსილი პირს უნდა ჰქონდეს შესაბამისი განათლება.”.

#### **მუხლი 7. გამოსაკვლევი პირის რეგისტრაციის წესი (9-12.12.2011 N 991-N61/6)**

1. ნარკოტიკული საშუალების მოხმარების ან ნარკოტიკული ან/და ფსიქოტროპული სიმთვრალის ფაქტის დადგენის დროს უფლებამოსილი პირი ავსებს სარეგისტრაციო ჟურნალს და გამოკვლევის ბარათის შესაბამის გრაფას. უფლებამოსილი პირს უნდა წარედგინოს გამოსაკვლევი პირის პირადობის დამადასტურებელი დოკუმენტი (არსებობის შემთხვევაში). ასეთი დოკუმენტის უქონლობა არ წარმოადგენს გამოკვლევის ჩატარებაზე უარის თქმის საფუძველს. ასეთ შემთხვევაში სარეგისტრაციო ჟურნალში და გამოკვლევის ბარათში ფიქსირდება მომართვაში/დადგენილებაში აღნიშნული მონაცემები. თუ წარმომდგენი ორგანოს მიერ შემდგომში წარმოდგენილი (დაზუსტებული) პიროვნების საიდენტიფიკაციო მონაცემები განსხვავდება გამოკვლევის ბარათში შეტანილი მონაცემებისაგან, შესწორება დასტურდება შესაბამისი უფლებამოსილების მქონე პირის ხელმოწერით და საექსპერტო-კრიმინალისტიკური მთავარი სამმართველოს ბეჭდით.

2. სარეგისტრაციო ჟურნალი (დანართი №1) დანომრილი, ზონარგაყრილი, დალუქული, ხელმოწერილია ხელმძღვანელის მიერ და დამოწმებულია საექსპერტო-კრიმინალისტიკური მთავარი სამმართველოს ბეჭდით. გამოკვლევის ბარათი (დანართი №2) დანომრილია, ხელმოწერილია უფლებამოსილი პირის მიერ და დამოწმებულია საექსპერტო-კრიმინალისტიკური მთავარი სამმართველოს ბეჭდით. სარეგისტრაციო ჟურნალის გამოკვლევის ბარათის ნომერი ერთმანეთს უნდა დაემთხვეს.

#### **მუხლი 8. ლაბორატორიული გამოკვლევის ჩატარების წესი (9-12.12.2011 N 991-N61/6)**

1. ლაბორატორიული (ქიმიო-ტოქსიკოლოგიური) გამოკვლევა ტარდება – ნერწყვში ან/და შარდში.

2. გამოსაკვლევი პირისაგან საანალიზო ბიოლოგიური მასალის (შარდის) აღებას უნდა ესწრებოდეს წარმომდგენი მხარე. გამოსაკვლევი პირის მოთხოვნით, შესაძლებელია მისი ნდობით აღჭურვილი პირის დასწრება. აღებული ბიოლოგიური მასალა ილუქება ერთ ან ორ ულუფად და ინახება სათანადო წესების დაცვით 14 დღის განმავლობაში. დალუქულ ულუფაზე უნდა იყოს გამოსაკვლევი პირის, წარმომდგენის, უფლებამოსილი პირის, მოთხოვნის შემთხვევაში, დამატებით დამსწრე პირის ხელმოწერები, აგრეთვე ბიოლოგიური მასალის კოდი და გამოსაკვლევი პირის წარმომდგენის დრო. ბიოლოგიური მასალის საკონტროლო ულუფის შენახვის ვადის გაგრძელება 1 თვემდე შესაძლებელია რომელიმე მხარის წერილობითი მოთხოვნის საფუძველზე.

3. ნერწყვში ნარკოტიკული ან/და ფსიქოტროპული საშუალების აღმოჩენის შემთხვევაში გამოსაკვლევი პირისაგან ხდება ბიოლოგიური მასალის (შარდის) აღება და შემოწმება ტარდება უპირველესად ნერწყვში არსებული ნარკოტიკული საშუალების შემცველობაზე. სხვა ნარკოტიკული საშუალების შემცველობაზე გამოკვლევა ტარდება წარმომდგენი მხარის



მითითებით, რაც ფიქსირდება გამოკვლევის ბარათის შესაბამის გრაფაში. თუ ნერწყვში ნარკოტიკული ან/და ფსიქოტროპული საშუალების შემცველობა არ დადგინდა, მაგრამ არსებობს საფუძვლიანი ეჭვი ნარკოტიკული ან/და ფსიქოტროპული საშუალების მოხმარებაზე, ხდება ბიოლოგიური მასალის (შარდის) შემოწმება წარმომდგენის მითითების შესაბამისად. თუ ნარკოტიკული ან/და ფსიქოტროპული საშუალების შემცველობა არ დადგინდა და არც ერთ მხარეს პრეტენზია არ აქვს, რასაც გამოკვლევის ბარათში ხელმოწერით ადასტურებენ, ბიოლოგიური მასალა შეიძლება არ დაილუქოს.

4. კლინიკური ან/და ლაბორატორიული (ქიმიო-ტოქსიკოლოგიური) კვლევის შედეგი ფიქსირდება დასკვნაში (დანართი №3). დასკვნა დანომრილია და დამოწმებულია საექსპერტო-კრიმინალისტიკური მთავარი სამმართველოს ბეჭდით. პასუხი გაიცემა წარმომდგენ მხარეზე, რაც დასტურდება მისი ხელმოწერით.

5. სადავო შემთხვევათა განხილვა ხორციელდება სათანადო წერილობითი მოთხოვნის საფუძველზე. განმეორებითი ანალიზის (საკონტროლო ულუფის) კვლევის შედეგი ეცნობება დაინტერესებულ მხარეს.

#### მუხლი 9. კლინიკური გამოკვლევის ჩატარების წესი (30.07.2007 N1049 N233/6)

ექიმის დანიშნულების გარეშე ნარკოტიკული საშუალების მოხმარების ფაქტის ან/და ნარკოტიკული ან/და ფსიქოტროპული თრობის მდგომარეობის დადგენის წარმოების დროს უფლებამოსილი პირი ავსებს გამოკვლევის ბარათის შესაბამის გრაფას, რომელშიც უნდა აღიწეროს გამოსაკვლევი პირის საპასპორტო მონაცემები, სოციალური სტატუსი, გამოკვლევის ჩატარების თარიღი და ზუსტი დრო, პიროვნების დაკავებიდან გამოკვლევაზე წარმოდგენამდე გასული დრო, ოპერატიული მონაცემები, ღებულობს თუ არა ნარკოტიკებს, რომელი ჯგუფის ან რომელ საშუალებას, რა სიხშირით და რა ხერხით უნდა აღიწეროს გამოსაკვლევი პირის გარეგნობა, ფიზიკური, ნევროლოგიური და ფსიქიკური სტატუსი. კლინიკური გამოკვლევის შემდეგ უფლებამოსილი პირი ადგენს დასკვნას.

#### მუხლი 10. გამოკვლევის აღრიცხვა და სისტემატიზაცია

გამოკვლევის აღრიცხვისა და სისტემატიზაციის მიზნით, საქართველოს შრომის, ჯანმრთელობისა და სოციალური დაცვის სამინისტროს და საქართველოს შინაგან საქმეთა სამინისტროს საინფორმაციო-ანალიტიკურ დეპარტამენტის შესაბამის დანაყოფს გამოსაკვლევი პირთან დაკავშირებით წარედგინება შემდეგი სახის ინფორმაცია:

- ა) გვარი, სახელი და მამის სახელი;
- ბ) დაბადების თარიღი;
- გ) საქართველოს მოქალაქის პირადობის დამადასტურებელი დოკუმენტის სერია და ნომერი ან პირადი ნომერი;
- დ) მოქალაქეობის არმქონე პირის ან უცხო ქვეყნის მოქალაქის პირადობის დამადასტურებელი დოკუმენტის ნომერი ან სხვა საიდენტიფიკაციო მონაცემები;
- ე) საცხოვრებელი ადგილი;
- ვ) დასკვნა. (30.07.2007 N1049 N233/6)

დანართი N 1

#### სარეგისტრაციო ჟურნალი

1

კვლევი პირის მოქალაქის ან/და ზუსტი დრო	მდგენის სახელი, გვარი, დაბადების თარიღი	კვლევი პირის სახელი, მამის სახელი	კვლევი პირის პირობის დამადასტურებელი დოკუმენტის წელი, ადგილი, ნომერი
--	---	-----------------------------------	--


გამოსაკვლევი პირის ცხოვრებული ადგილის მისამართი	ბიოლოგიური მასალის (შარდის) კოდი	კვლევის შედეგი მეტოდ მიითითებით	შემსრულებელი ეფლებამოსილი პირის ხელმოწერა

დანართი № 2 (9-12.12.2011 N 991-N61/5)

### გამოკვლევის ბარათი

საპატრულო პოლიციის დეპარტამენტი  
საექსპერტო-კრიმინალისტიკური მთავარი სამმართველო:  
მთავარი ექსპერტი (ექიმი-ნარკოლოგი)  
უფროსი ექსპერტი  
წამყვანი სპეციალისტი

წარმომდგენი პირის:

გვარი

სახელი

გამოსაკვლევი პირის:

პირადი №

დაბადების თარიღი

მისამართი

სამუშაო ადგილი

დაკავების დრო

წარმომდგენის თარიღი და დრო

გამოკვლევის დაწყების დრო

კლინიკური გამოკვლევის დასრულების დრო

ლაბორატორიული გამოკვლევის დასრულების დრო

მოწმობის ნომერი

სამუშაო ადგილი

გვარი, სახელი, მამის სახელი

დაბადების ადგილი

ნასამართლევი

ოჯახური მდგომარეობა



იღებს თუ არა რაიმე სახის მედიკამენტებს ან ნარკოტიკულ საშუალებას  
(ჩამონათ. პირადი გადმოცემით ან დოკუმენტაციის წარმოდგენით)

გამოსაკვლევ პირის ფიზიკური, ნევროლოგიური სტატუსი:

გამოსაკვლევ პირის ფსიქიკური სტატუსი:

კლინიკური გამოკვლევის შედეგი:

ბიოლოგიური მასალა და მასალის კოდი

ბიოლოგიური მასალის პარამეტრები

ლაბორატორიული გამოკვლევის მეთოდი:

ბიომასალა შემოწმდა:

ლაბორატორიული გამოკვლევის შედეგად დადგინდა:

შენიშვნა ან რაიმე სხვა დამატებითი ინფორმაცია:

---

---

---

---

---

---

---

---

საკონტროლო ნიმუში ინახება — დღის განმავლობაში

უფლებამოსილი პირის ხელმოწერა – მთავარი ექსპერტი (ექიმი-ნარკოლოგი)

(სახელი, გვარი, ხელმოწერა)

უფლებამოსილი პირის ხელმოწერა – უფროსი ექსპერტი (სახელი, გვარი, ხელმოწერა)

უფლებამოსილი პირის ხელმოწერა – წამყვანი სპეციალისტი (სახელი, გვარი, ხელმოწერა)

წარმომდგენი პირის ხელმოწერა

გამოსაკვლევ პირის ხელმოწერა

დამსწრე პირის ხელმოწერა (თუ არის)

ვინ ჩაიბარა (სახელი, გვარი, სამსახურებრივი მოწმობის ნომერი)

დანართი № 3 (9-12.12.2011 N 991-N61/6)

ხელწერილი



